

福建府縣志輯

中國地方志集成

乾隆福寧府志

中國地方志集成

福建府縣志輯⑫

乾隆福寧府志

上海書店 ● 巴蜀書社 ● 江蘇古籍出版社

圖書在版編目(CIP)數據

中國地方志集成. 福建府縣志輯. 12, 乾隆福寧府志 /
上海書店出版社編. - 上海: 上海書店出版社,
2000. 10
ISBN 7-80622-424-6

I. 中... II. 上... III. ①地方志-中國②地方志-
福建-福寧縣 IV. K29

中國版本圖書館 CIP 數據核字 (2000) 第 27759 號

重刊福甯郡志序

州郡之志責在守土之人
歷年既久板籍散亡議增
修則力有未逮聽棄置則
心有不安不得已而補苴
之惟重刊為差善福甯舊

為州上有志自前明隆萬
以來百餘年未有修者我
朝雍正十二年升州為府志
仍沿舊乾隆己卯年川西
李君拔來守是邦始重修
之竭數歲之力而成區為

十二門條分縷析一變舊

志之陋疆域中增海防一

條詳攷而為之說當是時

國家承平海氛靖息而李君

拳拳加意於海防其思深

其慮遠矣同治甲子余權

斯郡求李君之志存本已
勘字畫又湯德思增葺之
而不果去歲季春之閏奉
檄重来則原書僅存二三
部板已散失嗟乎余昔領
郡時至今十數寒暑耳而

遺失廢棄一至於此若復
數年併此僅存者而止
之後之人雖欲徵文考獻
按山川之險要為牖戶之
綢繆又將何所依據乎集
紳士而商之僉以經費浩

大為辭又通修

文廟費已鉅萬勢難兼顧降思
其次乃有重刊之役以綿
前緒以貽後賢方策猶存
餽羊具在各守爾典慎固
吾圉庶亦有舉莫廢之意

歟原書多訛字別體勢不
能全改延友詳校擇其甚
者更正之疑者闕之不可
改者仍之校既竣即以原
書貼板付鐫潤澤修明俟
諸君子

光緒六年歲次庚辰仲冬
中憲大夫權知福甯府事
會稽張其耀撰



重刊郡志後記

余既籌款影刊郡志將付雕都人士言於余曰原板多魯魚之舛今參互而改訂之勝於舊倍蓰矣顧其中尚有闕陷者不可以勿

福甯府志

重刊後記

一

正余亟請其說曰鄉先達

劉閣部中藻勝朝殉節之名臣也向列諸忠義前太守李公謂其抗拒

王師削而附諸祥異蓋屈抑者百數十載於茲矣我公

扶持風教盡及時而釐正之其雖竊維桀犬吠堯各為其主

聖諭昭彰劉閣部仕明適丁陽

五艱難竭蹶始終一心其馭軍有法士卒皆樂為用

福甯府志

重刊後記

二

尤能出奇制勝綜其生平毫無遺議殉節後順治朝

將詔免追田產給留養孤雍正朝詔修明史與錢肅樂鄭遵謙合傳

乾隆朝

賜謚烈愍

隆恩

曠典至再至三為臣子者應仰體
列祖教忠之至意盡力闡揚以厲

世而磨鈍敢以私意軒輊
其間乎遂允其請仍列忠
義加案語於祥異條並為

福甯府志

重刊後記

三

後記如右

福甯府志序

福甯界閩浙之交大海環
其南群山拱其北東西橫
亘瀋維千里秦漢為閩中
地晉稱溫麻唐置縣名長溪
隸泉州郡宋曰福安元升縣

福甯府志

曹序

一

為州是稱福甯屬福州路
明初改為縣後升為州統福
安甯德為屬邑

國朝撫有區夏海甸艾安隨地
制宜初因其舊雍正十二年
經國治官畫疆分壤視向之

建牧立監祗參傳伍陳殿置
輔者晉秩為方而以分級之霞
浦福鼎壽甯併隸焉以需
責成重法守也

聖天子重熙累洽嘉惠元元教養
兼施網維具舉百數十年涵

福甯府志

曹序

二

儒漸摩益黎樂利拊歟盛
哉定方以來未有志即前州
志固修自前代神宗時者稽
今且二百年其間沿革廢興
損益利弊版冊雖存然書缺
有同矣哉丁丑蜀川李君來

守是邦政事克勤兼為博
採以舊志年遠弗詳見聞
湮失請增輯焉又明年庚辰
調任福州李君曰自我始之元
自我終之未敢後為鄰封事
也爰復精心校讎閱十有幾

福甯府志

曹序

三

月書成而李君適以憂去以
稟致予且請為叙予閱江文
通之言曰修史之難莫難於
志鄭漁仲謂志者憲章之所
賴必老于典故然後能為夫
訂古證今徵文考獻不博則

不該不約則不法不嚴則不公
與夫疑信相參繁畧互著此
均弗易言福甯一郡山有南
金霍童川有藍溪龜江勝
槩可枚舉也仰官如王尹詹
揭諸公或治行卓爾或大節

炳然並堪不朽人物之盛如薛
令之楊復謝舉羽林莊敏諸
君子閭人踵起表揚宜亟自是
志咸而綜核精詳是以允協天
時地利之宜禮樂兵農之大民
藝物則之繁建置輕重之故

燦然大備一按牘而稽如身歷
如指掌也李君去矣後之觀
政采風者苟有取焉是有功
於福甯可為去後思也為之
序

乾隆二十七年壬午九月之吉

賜進士出身通議大夫福建提
刑按察使司按察使加三級
合署福建布政使司事新建
曹繩柱拜撰



福甯府志序

福甯去福州東北五百四十餘里界以重嶺環海三面形勢奇險為閩浙之左塞余庚辰秋奉命來閩司糧驛兼巡福州福甯二郡既考圖籍獨福州有志成於今

福甯府志

朱序

運使錢塘徐公而福甯缺如詢之則自前明神宗癸巳歲迄今百七十年無繼修者時福州太守健為李君先自福甯移守於此間言曾手輯之有草本未成予勸君必成之然以為福

州首十郡日夜治事不得休豈

暇及此哉今年春君謂予曰某親老矣忽忽將告歸顧前所為福甯府志幸已成書請及今刻之以備遺忘余怪問其故何成之易也則君於聽訟決簿暇數

福甯府志

朱序

二

漏刻燭不假手於他人如是者十餘月而竣可謂勤矣出而讀之詳核賅善凡言形勝利病若道其戶內井竈覩縷繡繡無闕於口者偉哉真李君一家言也昔太史公作史記歐陽子作

五代史司馬溫公作通鑑皆本
末條貫出於一手近之為書者
摠萃參伍無所折衷又志書往
往作於當事開館延客歷歲而
成帙前後舛迕者不可勝指若
君之勇於著述斐然獨繼百七

十年之緒刻期於歲月誠不可
及也君為官廉而愛人所在有
聲聞人不知織君始教之養蠶
樹桑行有利矣乃以憂去君喜
吟哦題刻徧山石其天性所好
異乎世之為吏者予尤嘉是書

之有功而成之獨勤也故為序
以告後之覽者

乾隆二十七年壬午仲冬月長
至後一日

賜進士出身福建糧驛道分巡福州
福甯二府兼管水利加一級紀

錄八次前

日講起居注官翰林院侍讀學士大
興朱珪撰

福甯府志序

志乘一書非第以備考核廣見聞已也自星辰分野山川疆理以及人才物產之類靡不詳稽具載則因天乘地宜民之政於是乎出福甯地轄五縣山海與

區宋元明以來人才代起迨我國朝承平日久德教涵濡蒸蒸日上人文日盛獨志乘則自前明中葉以後修者闕如其舊本所紀散漫荒略不足徵信前守郡劍南李公以己卯歲來蒞茲土

整躬率屬凡農桑水利教化諸事纖悉必舉尤念志書為政治沿革損益之原毅然以為已任博採廣詢網羅散失草稿甫就旋以善最調任福州治務滋劇初志不輟公餘退食即取一編而釐訂之閱三載而志書始成出以示余余自庚辰來福甯代公守郡輶迹所經自郡城而郊野而屬邑見堆堞之巍然者僉曰此前守所封之築之者也水泉之汨然者曰此前守所疏之

濬之者也嘉木之蔚然者曰此
前守所培之植之者也見民之
淳樸士之秀良者曰此前守所
教之誨之者也方念公典郡
年餘何以經理有條若此今觀
是書而知公之措施輒效者

皆其察人情權土俗孳孳不倦
之所致也夫為政者因民治民
則通以我治民則格故五土之
劉柔異質即政治之張弛異宜
志乘既修則地利之肥瘠民情
之淳澆物類之生耗釐然在目

順其勢以導之而政次第舉矣
余甚喜是書之作我景行而得
以師公之嘉績也若夫著述
之善詳而居要簡而能精則
公之苦心獨造堪垂不朽自為
有識者所共賞余又奚贅乎哉

乾隆壬午仲秋中憲大夫知福
建福甯府長白額爾金泰撰



福甯府志序

紀載之書所以傳信志乘其要
焉古今所稱風俗通寰宇記汝
南先賢襄陽耆舊等書不過史
氏之一隅而其文簡要其事精
覈識者建之沿及近世郡邑之

間志乘大備前明如王公慎中
趙公時春具有傳書康對山先
生武功一志尤推鴻寶要其所
長皆以簡要精覈為主福甯閩
越奧區瓊流襟帶翠嶽揖讓珎
木蔚蒼磅礴鬱積之氣鍾為人

傑接踵比肩於其間蓋

聖世承平涵濡沐浴百有餘年海隅
山陬亦蕃然而成都會矣雍正
十二年大吏請於

朝升爲府其地畝則由狹而廣其
戶口則由寡而衆其物產則由

畝而豐其賦役則由簡而繁蒞
斯土者志乘之作莫先於此歲
已卯劍南李公來守是郡進
舊志而稽之散漫闕畧自明中
葉以後未有舉之者大懼典型
放佚載籍濶疎爰集諸生延耆

舊朝攷夕究以采以輯閱再期
而始成時余方館於嵩山太守
嘗就商於余因得請而觀之深
喜是書之簡而要覈而精也余
曩時輶車四出周歷萬里所過
郡邑咸以志乘來質其完書固

多然亦有以遠望名山川以淫
祠列祀典以訛傳飾古蹟以別
籍入土著附會假借未嘗不心
怪之載觀是書提要必簡考覈
必精其事其文兩得之是足以
傳信矣抑余更有感焉今者太

守已移官福州視福甯直鄰封
耳視福甯事直後人事耳而太
守緣書自己作必欲成之絕不
以居官為傳舍是則太守行誼
之高為不可及也上比古人豈
獨在此區區文字間哉

乾隆二十七年歲序壬午孟夏
月上浣之吉

賜進士出身儒林郎翰林院編脩辦
院事提督陝西廣東湖南三省
學政甲子科廣西鄉試正考官
錢塘吳嗣富撰



福甯府志序

福甯古溫麻地也其太姥白鶴諸名勝為東南最又瀕於海極臨觀之美賢士大夫生於此遊於此仕宦於此者咸相與擬諸形容紀之篇什余竊心焉慕之

然遠在海隅道途來往非傳舍所必經山海之大登臨之樂終以不獲一覽為恨昌黎有言倘得一至其處竊寄目償所願焉余亦抱此志久矣乾隆己卯隄為李君峨峰以名進士來守

是郡政通人和百廢具理因舊

志殘缺遂舉而修之事未集又移官福州太守不欲以垂成之功虧於一簣又不欲以當官之事諉諸後人廼携而之新任手披口授是斷是度如是者三載

書乃成出以示余余維郡有志亦鄉國之史所闕匪細其賢才之生後之人所由驗盛衰也其都邑之建後之人所由稽沿革也其戶口之算後之人所由計贏縮也其物產之宜後之人所

由徵蓄聚也其城郭祠宇廨舍
闕梁之分布後之人所由原其
始而要其成也作者詳或失之
濫簡或失之略私或失之去取
不得其當如是志法廢矣載觀
是編繁簡取舍各得其則豈不

洋洋乎大觀也哉公餘休暇陳
而觀之皎若列眉燦然在目如
立我於太姥之上飄然欲振衣
而御風如置我於大海之濱浩
然欲浮槎而破浪誠足以當卧
遊矣宿願亦藉以一慰也遂書

而弁諸簡端

乾隆壬午仲秋

賜進士出身中憲大夫署福建按察
使司鹽法道加三級紀錄二十
次錢塘徐景燾撰

